



জনসংযোগ কার্যালয়
জাহাঙ্গীরনগর বিশ্ববিদ্যালয়
সাভার, ঢাকা, বাংলাদেশ
ফোন: ৭৭৯১০৪৫-৫১



প্রেস বিজ্ঞপ্তি (শোক বার্তা)

জাতীয় অধ্যাপক ড. আনিসুজ্জামানের প্রয়াণে জাবি উপাচার্যের শোক

জাহাঙ্গীরনগর বিশ্ববিদ্যালয়, ১৪ মে ২০২০।

জাহাঙ্গীরনগর বিশ্ববিদ্যালয়ের উপাচার্য অধ্যাপক ড. ফারজানা ইসলাম জাতীয় অধ্যাপক ড. আনিসুজ্জামানের প্রয়াণে গভীর শোক ও দুঃখ প্রকাশ করেছেন।

এক শোক বার্তায় উপাচার্য বলেন, বরেণ্য শিক্ষাবিদ, লেখক ও গবেষক অধ্যাপক ড. আনিসুজ্জামান বাংলাভাষা ও সাহিত্যকে সমৃদ্ধ করেছেন। স্বাধীনতা-পরবর্তী দেশের সব প্রগতিশীল আন্দোলনের অগ্রবর্তী মানুষ হিসেবে তিনি সকলের শ্রদ্ধাভাজন ছিলেন। দেশ ও মানুষের যে কোনো বিপর্যয়ে তিনি যুক্তি, ন্যায়, গণতান্ত্রিক ও অসাম্প্রদায়িক মতামত ও দিক নির্দেশনা প্রদান করে বাতিঘর হিসেবে জনমনে স্থান করে নিয়েছিলেন। তাঁর চলে যাওয়ায় রাষ্ট্র ও সমাজ জীবনে যে শূণ্যতা তৈরি হলো, তা পূরণ হবার নয়।

উপাচার্য তাঁর শোক বার্তায় প্রয়াত জাতীয় অধ্যাপক ড. আনিসুজ্জামানের আত্মার শান্তি কামনা এবং শোকাহত পরিবার ও স্বজনদের সমবেদনা জ্ঞাপন করেন।

উল্লেখ্য, আজ বৃহস্পতিবার বিকেলে রাজধানীর সম্মিলিত সামরিক হাসপাতালে (সিএমএইচ) চিকিৎসাধীন অবস্থায় জাতীয় অধ্যাপক ড. আনিসুজ্জামান মৃত্যুবরণ করেন।

Sumit

মো. আবদুস সালাম মিশ্র
পরিচালক (ভারপ্রাপ্ত)

